



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vlixbonensi, Elborensi, & Lamecensi Episcopis, & Clero & populo
Egitaniensi.

urn:nbn:de:hbz:466:1-20006

briensis Episcopus in nostra & fratrum nostrorum presentia, sicut bene novisti, ab obedientia vestra vinculo absolvistis, & nos eosdem a vestra obedientia debito auctoritate apostolica reddidimus absolutos. Provideas igitur ne per potentiam regiam vel alia qualibet machinatione impediatur Episcopi memorati & predicti Clerus & populi obedientiam secundum sententiam & preceptum nostrum eidem Compostellano Archiepiscopo, ut praediximus, exhibere. Alioquin quod a sanctae recordationis Alexandro Papa praedecessore nostro de obedientia Compostellano Archiepiscopo ab Episcopis Gallaciae impendenda dignoscitur olim fuisse statutum, verendum est tibi ne nos ipsi ratum habeamus & firmum, & faciamus auctore Domino inviolabiliter observari, tantoque culpam inobedientiae curabimus gravius castigare, quanto in contemptum apostolicae sedis & personae nostrae specialiter huiusmodi rebellio amplius redundaret. Datum Laterani IIII. Idus Iulij.

In eundem modum scriptum est Colimbriensis Episcopo.

VLIXBONENSI, ELBORENSI, & Lamecensi Episcopis, & Clero & populo Egitanienfi.

Epist. 135.
Decadem 1c.

Antiquas controversias & difficiles inter Compostellanam & Bracarensem Ecclesias tam praedecessorum nostrorum quam nostris etiam temporibus agitatae, sicut vestra fraternitas non ignorat, non sine labore multo nos & fratres nostri exacta diligentia per auxilium divinae gratiae curavimus terminare, quemadmodum in rescriptis apostolicis processum causarum plenius continentibus perpendere poteritis evidenter. Volentes autem ut apostolicae sedis &c. usque ad verbum observare, venerabili fratri nostro P. Compostellano Archiepiscopo ejusque successoribus tanquam Metropolitanis vestris, sicut alij suffraganei sui faciunt, obedientiam & reverentiam debitam impendent. Alioquin sententiam quam idem Archiepiscopus in vos rationabiliter tulerit, auctore Domino ratam & firmam habebimus & faciemus inviolabiliter observari. Ut autem quae praemisimus liberius adimplere possitis, venerabiles fratres nostri Bracarensis Archiepiscopus & Episcopus

Colimbriensis vos coram nobis & fratribus nostris ab omni obedientiae suae vinculo absolverunt. Nos etiam ab ipsorum obedientiae debito auctoritate apostolica vos reddimus absolutos. Datum Laterani IIII. Idus Iulij.

Scriptum est super hoc singulariter singulis nominatis Episcopis, & Clero & populo per eorum dioceses constitutis.

LVCENSI, ASTORICENSI, Mindoniensi, Auriensi, & Tudensi Episcopis.

Antiquas controversias &c. usque ad verbum resurgant, fraternitati vestrae per apostolica scripta praecipiendo mandamus quatenus apud venerabilem fratrem nostrum Archiepiscopum Bracaren. & charis. in Christo filium nostrum Portugal. Regem illustrem partes vestras efficaciter interponere procuratis ut statatis ap. se. &c. usque ad verbum observare, venerabiles fratres nostros Vlixbonensem, Elborensensem, & Lamecen. Episcopos & eorum Ecclesias &c. ferè in eundem modum ut supra usque ad verbum dimittentis. Alioquin quod a sanctae recordationis Alexandro Papa &c. ferè ut supra usque ad verbum redundaret. Et quoniam nuncius, ut accepimus, non facile reperitur, qui litteras apostolicas vel Compostellani Archiepiscopi audeat super his in regnum Portugalen. deferre, sub eadem districtione vobis injungimus ut litteras nostras & ipsius Archiepiscopi Compostellani, quibus super hoc missae fuerint, occasione & excusatione cessante, sine dilatione qualibet tamdiu fideliter transmittatis, cum ab eodem Compostellano simul omnes vel seorsum singuli fueritis requisiti, donec idem Archiepiscopus praedictorum quatuor episcopatum possessionem pacificam fuerit assecutus. Si verò, quod non credimus, praecceptum nostrum non fuerit adimpletum, volumus & mandamus ut cum fueritis per Compostellanam Ecclesiam requisiti, veritatem super his nobis significare vestris litteris procuretis. Datum ut supra.

Epist. 136.

ARCHIEPISCOPO ET CAPITULO Compostellano.

Cum dilectus filius A. civis Anagnini tutor & curator nepotum suorum, filiorum quondam G. civis Anagnini

Epist. 137.

H h h iij